

# Fragmenta mycologica XLIII.

Auctore P. A. Karsten.

*Pluteus curtus* n. sp. — Pileus carnosulus, tenuis, convexo-expansus, obtusus, longitudinaliter (subinde rimose) fibrillosus, squamis disci erectis, crassiusculis, brevibus, muricatis squarrosum, e pallido fuscescens, 2—3 cm latus. Stipes farctus, rigidus, brevis (vulgo pileo brevior), aequalis, flexuosus vel curvatus, raro rectus, flocculososquamułosus, fuscescens, apice nudus, intus albidus. Lamellae adnexae, latae, ventricosae, subconfertae, e pallido fuscescentes. Sporae angulatae vel tuberculatae, flavescentes, 5 = 3—4 mmm. Cystidia fusoidea.

In humo udo subturfoso, musco brevi obducto, ad lacum Heinäsjärvi prope Mustiala (Fenniae), m. Aug. 1894. — Vulgo caespitosus. Insipidus; inodorus. Inocybae lacerae similis, sed minor, curtus.

*Russula intermedia* Karst. (Meddel. af Soc. pro Faun. et Flor. Fenn. 16: 1888, p. 38). Finl. Basidsw. Till. I, p. 20 in betuleto prope Harju in Tammela (Fenniae) iterum inventa. — Acris. Pileus carnosus, firmus, dein fragilis, expansus, depresso, solito irregularis, viscoso-pelliculosus, carne sub pellicula albo, margine tenui, laevi, demum sulcato tubiculoso, fulvus, disco obscurior subsanguineofulvus, marginem versus pallidior, decolorans, 9—11 cm latus. Stipes aequalis vel sursum incrassatus, laevis, albus, circiter 7 cm altus, 2—3 cm crassus. Lamellae subliberae, subconfertae, aequales, albae, dein flavescentes, usque ad 1 cm latae. — *Russulae integrae* simillima, sed sapore coloreque ab ea differens.

*Bjerkandera pellita* n. sp. — Pileus carnosus, reniformidilatatus, convexus, laevis, glaber, pellicula tectus, azonus, postice saepe porrectus, margine acuto, inflexo, albidus, 5—7 cm latus, circiter 1 cm crassus. Pori rotundi, tenues, integerrimi, albi, exigui. Sporae elongatae, rectae vel curvulae, 2-guttulatae, 2—3 = 0,5—1 mmm. — In truncis ramulisque betulae nec non abietis emortuis in regione Mustialensi aliquoties lecta. — Odor debilis, acidula-funginus. — A *Bjerkandera chionea* (Fr.), ad quem proxime accedit, pellicula pilei statim dignoscitur.

*Cyphella parasitica* Berk. Fung of Ceyl. \**C. tenerrima* n. subsp. — Cupuliformis, persistenter aperta, tenuissima, laxissima, praecipue margine flocculoso-lacera, nivea, 0,1—0,2 mm lata, hymenio dein pallescente. Basidia ovoideo-clavata. Sporae ellipsoideae, 4—6 = 2—3 mmm. — Super Diatr. stigma gregatim. — A. *Cyphella parasitica*, quacum satis congruit, praecipue minutie marginaque pilei non inflexo differt.

*Grandiniella* n. gen. — Hymenium udum subgelatinoso-ceraceum, siccitate corrugatum vel rimosum, granulosum; granulis hemisphaericis, mollibus. Cystidia subuliformia vel fusoidea. Sporae ellipsoideae vel oblongatae.

*Gr. livescens* n. sp. — Ceraceo-mollis, latissime effusa, tenuis, secedens, livida, siccitate pallescens, ambitu determinato, similari, hymenio contiguo, sicco rimoso, granulis sat confertis, hemisphaericis, inaequalibus, mollibus, majoribus. Basidia clavulato-cylindracea, 4—5 mmm crassa. Cystidia subuliformia, apice crassa muriculata, hyalina, 50—60 = 5—6 mmm, apice saepissime usque ad 10 mmm crassa. Sporae ellipsoideae vel oblongatae, rectae vel inaequilaterales, eguttulatae, hyalinae, 3—4 = 1—1,5 mmm. — In ligno mucido *Tiliae ulmifoliae* prope Mustiala (Fenniae), m. Sept. 1894. — *A. Grandiniella mucida* (Fr.), quacum *Peniophora convolvens* Karst. Finl. Basidsw. p. 424 forte confluit, colore aliisque notis diversa.

*Xerocarpus?* *flavoferrugineus* n. sp. — Late effusus, crustaceo-adnatus, spurie papillosus, laete flavoferrugineus, ambitu similari, contextu grumoso. Sporae non visae. — In ligno putrido *Pini* vel *Abietis* prope Mustiala (Fenniae), m. Sept. 1894. — Hyphae nullae.

*Lachnella Pini* Brunckh. Nogl. norsk. skov-sygd. (Bergens Museums Aarbog 1892.) Zeitschr. für Pflanzenkr. IV. Band, 4. Heft, p. 240 est *Dasyphypha fusco-sanguinea* Rehm. Asc. n. 112. Sacc. Syll. VIII, p. 459. — In speciminibus norvegicis: asci circa 100 = 8—9,5 mmm, sporae 19—20 = 6,5—8,5 mmm (sec. Brunckh.); in germanicis: asci 70 = 10 mmm, sporae 15 = 5 mmm (sc. Rehm); in fennicis: asci 90—100 = 9 mmm, sporae 15—20 = 6 mmm.

*Exosporium exasperans* n. sp. — Sporodochia erumpenti-superficialia, gregaria, subinde confluentia, pulvinata, atra, 0,2—0,3 mm lata. Conidia sessilia, cylindracea, obtusa, recta, rarius curvula, usque ad 8-septata, ad septa non constricta, fuliginea semi-pellucidaque (sub lente), usque ad 100 mmm longa, 6—10 mmm crassa. — In cortice ramorum *Tiliae ulmifoliae* emortuorum prope Mustiala (Fenniae), m. Sept.

*Chaetostromella* n. gen. — Sporodochia erumpenti-superficialia, pulvinata, setulosa, atra. Conidia pedicellata, ellipsoidea, muralia, fuliginea.



BHL

# Biodiversity Heritage Library

Karsten, P. A. 1895. "Fragmenta mycologica XLIII." *Hedwigia* 34, 7–9.

**View This Item Online:** <https://www.biodiversitylibrary.org/item/13877>

**Permalink:** <https://www.biodiversitylibrary.org/partpdf/246464>

## **Holding Institution**

Missouri Botanical Garden, Peter H. Raven Library

## **Sponsored by**

Missouri Botanical Garden

## **Copyright & Reuse**

Copyright Status: Public domain. The BHL considers that this work is no longer under copyright protection.

This document was created from content at the **Biodiversity Heritage Library**, the world's largest open access digital library for biodiversity literature and archives. Visit BHL at <https://www.biodiversitylibrary.org>.